

(1—1½" lineari); involucri squamis summis inermibus dilatatis in appendiculam scariosam, margine erosam, basi purpureascentem reflexam; flosculis rubris.

HAB. prope S. Cruz de Tenerife. Link, in Herb. Buch No. 255.

Species a cl. L. de Buch allata, cui cl. Link nomen sine descriptione imposuit? postea latuit in herbario, neque unquam, ut sciam, publicata fuit. Nemini post Buchium in Nivaria visa itaque ulterius quaerenda. — Specimen unicum loco citato servatur.

74. *C. Lippii*, L. var.

„Majorera“ (i. e. insulae Fuertaventurae incolae): foliorum radicalium pinnatifidarum lobis paucioribus rotundatis, obsolete, nec, ut in speciei typo, profunde dentatis; foliis caulinis praesertim inferioribus solito longioribus.

HAB. prope Puerto Cabras, m. Aprili florens.

*Centauria Lippii* vulgaris in Canariis valde leptophylla eadem est ac *C. Broussonetii*, Willd. Herb. No. 16,528.

Alia ejusdem collectionis species dittonis nostrae sub No. 16,615 nomine *C. congestae* Willd. asservata ad *C. melitensis* L. formam simplicem vel pauciramosam spectat.

75. *Carduus baeocephalus* Webb. var.

*Bourgaeanus*: involucri squinarum spinis elongatis, — 4" longis, quae in planta typica canaria ½—1½" longae, tantum decuntur, flosculis rubellis, dum huic albi apice purpureascentes tribuuntur.

Alia discrimina stirpium caeterum conformium frustra quaesivimus.

HAB. in *Handiae* montibus! — Ibidem, Plaga de Barlovento, locis frigidioribus prope rupes (Bourgeau). Floret Aprili.

*C. Bourgaeanus*, C. H. Schultz Bip., in Bourg. Pl. canar. exsicc. No. 454.

De vero *C. baeocephalo* scripsit Webbio inventor Dupréaux: „Espèce très-curieuse. Observez bien ses écailles sépaloides et vous verrez qu'elle diffère de toutes les autres espèces canariennes. Rare; trouvée une seule fois dans les rochers de la Cuesta de Silva, Nord de Canaria. — Ce joli chardon est remarquable par la quantité de ses fleurs blanches, ses écailles calicinales un peu courbées dans l'état frais et sa bonne odeur, qui approche de celle du girofle; enfin son port en général. Je ne l'ai trouvé qu'en montant la Cuesta de Silva, où il tapisse les interstices des rochers dans les endroits les plus escarpés.“ — Barranco de la Virgen.

Floruit varietas nostra prope Berolinum in horto cl. Aemilii Bouché o seminibus canariensibus.

76. *Crepis foetida*, L. var.

Gomerae: pusilla, semipedalis vel humilior, e basi ramosa; ramis divaricatis arcuatim adscendentibus, demum erectis setosis; foliis infimis lanceolatis sinuato-dentatis, superioribus profundissime runcinato-pinnatifidis lobis productis dentibusque

acutissimis, parce setosis; pedunculis elongatis simplicibus vel bifidis subnudis glanduloso-pilosis monocephalis; capituli ligulis inferne apicem versus rubris.

HAB. in Gomerae montosis supra vicum Hermitiga.

Habitus speciei propriae, quam diu esse credimus. Cultura per plures annos hucusque constans, nana, dum *Crepidis foetidae* typus per Nivariam Canariamque vulgarior in altitudinem binarum pedum exerescere solet.

77. *Picridium ligulatum* Vent.

*Picridio* ligulato facile nil polymorphius in Canariis. Sicut in stationibus diversissimis vegetans, tum Fortunatarum occidentalium scopulos maritimos ventis humidis perflatos, tum in insulis libycae indolis Lanzarote et Fuertaventura, (probabiliter et in proximo Saharae littore, quum et planta Mogadorensis, sit) deserta campestris saepe aridissima incolit, ita et formas varias per multas induere solet. Varietatibus quatuor a cl. C. H. Schultzio Bip. egregie expositis addimus sequentem:

5. var. *grandiflorum* robustum; rosulis amplis subcaulibus dense foliatis; foliis acutissimis; velut in forma 3 crispa, margine conferte et inaequaliter sinnato-dentatis; pedunculis abbreviatis, sat dense squamatis; anthodiis maximis.

HAB. in *Handiae* montibus borealibus supra Cofeito. Floret Aprili, cum ilicifolio, dum in Palma varietatem crispam sero autumno adhuc floridam observavimus.

Varietas ilicifolia, hucusque in Lanzarotes jugo Famara tantum obvia, in *Handiae* sterilibus demissioribus, ubi radices lignosas ipsa planta duplo et triplo longiores arenae lapidosae immergit, forma occurrit, quam facile subvarietatem obtusam dicas quaeque ita definiiri potest:

*Pygmaeum* foliis spathulatis, apice rotundato-obtusissimis, margine leviter sinuato-dentatis, brevissime apiculatis; pedunculis brevissimis subnudis vel parcius squamatis.

Forma 4 pinnatifida *Phytographiae* canariensis crescit et Gomerae in angusta et a mare remota valle Barranco de la Laja.

78. *Picridium vulgare*, Desf., Fl. atl. II, p. 221.

HAB. abunde in herbis insularum facile omnium. Gomera, el Risco de Tagamiche. Lanzarote prope Guatiza, Bourgeau. Teneriffa, in valle Tajodio prope S. Cruz.

Floret Januario—Aprilem.

79. *Rhabdotheca divaricata* (Desf.), Webb. var.

Subnudicaulis: foliis latioribus subintegris vel margine lobatis neque runcinatis, apice obtusatis, caule erecto subsimplici ac subnudo.

HAB. in Fuertaventura prope Puerto-Cabras, m. Aprili florens.

Transitum quondam inter *Rhabdothecam* divaricatam, canariensem et *Lactucam nudicaulem*, Murr. caboverdicam indicare videtur.